



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiariam, ac loca quædam vicina

**Hund, Wiguleus**

**Monachii, 1620**

De Decima vinearum in Austria.

**urn:nbn:de:hbz:466:1-13591**

## De Decima vinearum in Austria.

**I**N nomine sanctæ & indiuiduæ. Ego *Theobaldus* sanctæ *Pataviæ*: Ecclesiæ Episcopus. Commissæ nobis dispensationis auctoritas exigit & debitum charitatis, nihilominus exoptulare videtur, quod Monasteria in Episcopatu nostro constructa prouida debeamus sollicitudine respicere & personas quæ in eis diuinis mancipatæ sunt obsequiis paternè diligere, & earum indigentis propensius subuenire. Hac enim ad incrementum salutis nostræ & Ecclesiæ adeo nobis commissæ prouenire non dubitamus. Proinde præsentium clarescarnotitiæ & futurorum innotescat memoria, quomodo nos propria inducti benignitate, consilio quoque Chori nostri & ministerialium *Pat.* Ecclesiæ salubrius inuitati, quasdam decimas quæ de vineis fratrum de *Osterbouen.* nobis & Episcopatu aîuatim persolui debuerant. Præposito præfati Monasterij qui pro tempore fuerat & fratribus ibidem DEO militantibus eorum indigentis subuenientes, quia virtus hospitalitatis apud eos plerumque vigeret videtur quam in personale beneficium concessimus duntaxat quod decimationes illas in dieb. Pontificatus nostri quiete & sine difficultate qualibet possidere deberent. Volentes igitur *Waltherus* Præpositus & fratres prænominati Monasterij incerta pro certis commutare & ea quæ ipsis in beneficium concessa fuerant, in prædium & perpetuam donationem redigere, paternitatem nostram multis & assiduis precibus exflagitare studuerunt, quatenus aliquod prædium quod prædictarum pensionibus decimationum æquipollenter & ex æquo & ex integro annuatim respondere valeret, in concambium ipsarum recipere vellemus. Precibus quoque illorum benignè inclinati, etiam Monasterij prouida animaduersione consulentes desiderii perpetuum satisfacere duximus eatenus, quod prædium quoddam *Ibshouen* nuncupatum iuxta flumen *Wolfa* situm, quod in agris cultis & incultis siluis quoque & in prætis est in estimatione trium hubarum & dimid. cum adiacente sibi molendino per manû nobilis viri *Adelberti* de *Chamb* aduocati Monasterij ipsorum, super altare S. *Valentini* pretiosi Confessoris Domini delegatum suscepimus prædium Episcopatus nostri dominicalibus & prædiis publicè & solemniter articulantes. Hac interposita conditione, quod in arbitrio colonorum supra nominati prædij poneretur, si nobiscum vellent, vel cum eo ad quem ex nostra concessione præfatum deuolueretur prædium sine coactione & angaria qualibet permanere debeant. Si verò ipsis nobis cohabitare non placuerit lege colonica abire permittantur. Sane decimas omnium vinearum quas tunc temporis *Chremfani* habuerint, vel imposterum emptione; vel & fidelium donatione, Domino auxiliante adipisci potuerint, eis in perpetuam proprietatem pontificali tradimus potestate. hoc adiecto, quod exinde anniuersarius obitus nostri apud eos orationibus & elemosinis sicut fieri assolet obseruetur. Vt ergo hæc donationis nostræ memoria cunctis futuris temporibus inconuulsa & illibata, permaneat nos hanc inde chartam conscribi, & sigilli nostri impressione muniri iussimus. Adijcientes vt nullus successorum nostrorum hanc nostræ auctoritatis paginam infringere, & præfatis fratribus factam donationem auferre, minuere, vel abalienare præsumat. Huius rei testes sunt, *Adelbertus* aduocatus de *Chamb* & frater eius *Aramus* Ego *Theobaldus* *Pat.* Episcopus SS. Ego *Fridericus* S. *Sixti* Dyaconus SS. Ego *Vdalricus* *Ardeacensis* Præpositus & Dyacon, SS. Ego *Meingotus* *Pat.* Archidiacon. SS. Ego *Rudigerus* Dyacon. & Scolaſticus SS. Ego *Heinr.* presb. SS. Ego *Megenhalmus* presb. thesaurarius SS. Ego *VVernherus* de *Ascha* presb. SS. Ego *Chunr.* de *Purchausen* presb. SS. Ego *Heinr.* Præpositus S. *Nicolai* SS. Ego *Purchardus* de *Chamb* Subdyacon. & Capellanus Curie SS. Ego *Rudigerus* de *Aheim* Subdiac.

SS. Ego *Tyemo* Subdyacon. SS. Ego *Rittherus* Scholasticus *Frisacensis* & Subdyaconus SS. Datum in Palatio *Patavien:* per manum *Tagenonis* notarij & presbyteri Ecclesiæ *S. Andreæ* in *Austria* iuxta montes *Comagenos*. Anno incarnationis Dominicæ *M. C. LXXXVIII*. Indictione *X*. sub Domino *Vrbano* Papa III. regnante Domino *Friderico* imperatore gloriosissimo, Anno regni eius *XXXVII*. Pontificatus verò Domini *Theobaldi XII*.

De Muta in *Patavia*.

**I**N nomine sanctæ & indiuiduæ Trinitatis. *Wolfkerus* Dei gratia *Pat.* Episcopus. Omnibus Christi fidelibus in perpetuum, Episcopalis officij dignitas exigit loca venerabilia, atque religiosas sanctæ conuersationis hominum personas pio amore complecti, eorumque iustis postulationibus aurem benignam apponere. Quapropter carissimi in Christo fratris nostri *D. Gerungi* Vener: Præpositi in *Osterhouen*. sanctæq; illius loci congregationis precib. quæ nobis sedulo exhibet seruitijs inclinati simul & iuge sacrificium cottidianæ laudis quod ibi solempniter Deo offertur considerantes ad eiusd. diuini seruitij incrementum & fac. cõuentus augendum subsidium, iustitiam fori nostri in *Pat.* quod *Marchtrecht* dicunt, iustitiam quoque nostram de *Thelo*. quod *Muta* vocatur in nauibus ipsorum victualia portantibus eis in perpetuum cum cõiuentia fratrum nostrorum de *Choro* & ministerialium in perpetuum remisimus, quatenus sicut ibi iugiter salutaris hostia imolatur, ita vt nostri iugis memoria habeatur, Et vt hæc nostra remissio semper inconuulsa eidem loco permaneat, atque inuiolabiliter obseruetur, hanc cartam nostro sigillo roboratam eis conferibi & signari præcipimus. Testes etiam subterannotari mandamus. Ego *Heinr.* Decanus laudo & subseribo. Ego *Meingotus* Archidiacon. & Præpositus I. & SS. Ego *VVernherus* Archidiaconus I. & SS. Ego *Sacerdos* SS. Ego *Arnoldus* Subdyacon. SS. Ego *Dietmarus* SS. Ego *Ortolfus* Præpositus SS. Ego *Rucherus* SS. Ego *Heinricus* SS. Ego *VVernherus* SS. Ego *Meinhardus* SS. Ego *Arnoldus* SS. Ego *Dyemo* SS. Ego *Heinr.* SS. Ego *VValchun* SS. Testes etiam *Richkerus* de *Nesen*. *Ekkolfus* de *VVarte*. *Chunr.* *Dapifer* *Syboto* de *Aemhartstorff*. *Albertus* pn. *Tyemo* de *Puechenberg*. *VWilhelmus* de *Stein*. *Meinbalmus* *VValchun* de *Schabtar*. *Pernoldus* *Ruffus*. *Heinr.* Comes de *Ortenberch*. *Altmannus* de *Helmgersberg*. Acta sunt hæc anno Dominicæ incarnationis *M. C. XCV*. Indictione *XIII*. *XI* *Kl*. *Septemb.* Anno Pontificatus Domini *Celestin* PP. V. anno, Imperij Dom. *Heinr.* Imperatoris inuictissimi V. anno & Pontificatus nostri V. feliciter Amen.

f. incorn.

Donatio libertatis sine *Muta* & *Thelon*.

**I**N nomine sanctæ & indiuiduæ Trinitatis. *Fridericus* Dei gratia Dux *Austria* omnibus Christi fidelibus in perpetuum. Quia valde nobis pertimescendum est, ne nos qui plus cæteris in hoc mundo accepisse videmur ab auctore mundi grauius iudicemur. Idcirco sanctos & religiosos viros in locis venerabilibus degentes eos ibi Domino seruietes summa veneratione colendos & de facultatibus nostris adiuuandos dignum ducimus quatenus in retributione iustorum per eorum orationes fieri mereamur præmio beati qui sumus pietate deuoti vt recipiamus pro paruis magna, pro terrenis caelestia, pro temporalibus sempiterna. Magna igitur instantia Domini *Gerungi* venerabilis Præpositi in *Osterhouen*. simul & fratrum eius precibus deuicti diuinæ mercedis intuitu & pro remedio patris nostri qui eis in expeditionibus suis grauite nocuerat, & omnium parentum nostrorum iustitiam nostrâ quæ vulgo *Muta* vocatur